



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU HRVATSKOG PRAVAŠKOG BLOKA BiH

Broj: 03-07-6-746/13
Sarajevo, 07.04.2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI REVIZIJE.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatskog pravaškog bloka BiH za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i člana 15.10 Izbornog zakona BiH, te uspostavljanje efikasnog sistema internih kontrola

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2012. godinu, utvrđeno je da je Hrvatski pravaški blok BiH prekršio odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka.

Nije utvrđeno da li su troškovi izborne kampanje ostvareni u skladu sa odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Hrvatskog pravaškog bloka BiH za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju Hrvatski pravaški blok BiH je iskazao ukupne prihode u iznosu od 7.489,39 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00
2	Prilozi fizičkih lica	3.989,39	53,27%
3	Prilozi pravnih lica	1.000,00	13,35%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	2.500,00	33,38%
8	Ostali prihodi		
	Ukupni prihodi:	7.489,39	100,00%

U godišnjem finansijskom izvještaju Hrvatski pravaški blok BiH je iskazao ukupne rashode u iznosu od 4.950,50 KM.

2. PREDSTAVLJANJE POLITIČKE STRANKE

Naziv političke stranke: Hrvatski pravaški blok BiH. Skraćeni naziv stranke je HP BLOK BiH.

Politička stranka je registrovana 13.05.2002. godine u Kantonalnom sudu u Širokom Brijegu, broj upisa R 7/02.

Sjedište političke stranke je u Ljubuškom, Fra Petra Bakule.

Lice ovlašteno za zastupanje stranke je Željko Koroman, predsjednik.

Lice ovlašteno za podnošenje finansijskih izvještaja za 2012. godinu je Željko Koroman.

Prema podacima iz finansijskog izvještaja Hrvatski pravaški blok BiH nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog pravaškog bloka BiH za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatskog pravaškog bloka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode iz budžeta, kao i troškove izborne kampanje.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Hrvatskog pravaškog bloka BiH za period 2005.- 2011. godinu, nakon čega su izdati izvještaji o pregledu sa mišljenjem revizora, nalazima i preporukama.

Nakon izvršenog pregleda za 2011. godinu, Služba za reviziju je izdala Izvještaj o pregledu godišnjeg finansijskog izvještaja Hrvatskog pravaškog bloka BiH sa mišljenjem revizora sa preporukom da stranka treba postupati u skladu sa odredbama člana 11. stav (1) i stav (3) Zakona o finansiranju političkih stranaka.

5. NALAZI I PREPORUKE REVIZIJE

5.1. NALAZI REVIZIJE

a) Hrvatski pravaški blok BiH prekršio je odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Pregledom je utvrđeno da Hrvatski pravaški blok BiH nije vodio pravilne evidencije o svojim prihodima i rashodima niti je obrasce godišnjeg finansijskog izvještaja popunio u skladu sa tada važećim Pravilnikom o godišnjim finansijskim izvještajima političkih stranaka („Službeni glasnik BiH“, broj 61/06) - u daljem tekstu: Pravilnik, čime je prekršio odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

Pregledom je utvrđeno da je Hrvatski pravaški blok BiH u godišnjem finansijskom izvještaju iskazao prihode iz budžeta i ostale troškove u većem iznosu u odnosu na ostvarene za 2.000,00 KM.

Hrvatski pravaški blok BiH je u obrascima 3 finansijskog izvještaja (ukupni prihodi političke stranke) i 3-f finansijskog izvještaja (prihodi iz budžeta) iskazao prihode iz budžeta u ukupnom iznosu od 2.500,00 KM, i to: prihode iz Budžeta Općine Čapljina u iznosu od 300,00 KM i prihode iz Budžeta BiH u iznosu od 2.200,00 KM.

Kontrolom izvoda sa transakcijskog računa utvrđeno je da je Hrvatski pravaški blok BiH kao prihode iz Budžeta BiH iskazao povrat sredstava po osnovu takse za ovjeru političke stranke na Lokalnim izborima 2012. godine u iznosu od 2.200,00 KM, čime je prekršio odredbe člana 19. i člana 13. Pravilnika.

Takođe je utvrđeno da je stranka u obrascima 4 finansijskog izvještaja (ukupni rashodi političke stranke) i 4-2 finansijskog izvještaja (troškovi kampanje) iskazala troškove takse za ovjeru političke stranke za učešće na Lokalnim izborima 2012. godine u iznosu od 2.500,00 KM, čime su prekršene odredbe člana 20. i člana 21. Pravilnika.

Naime, Hrvatski pravaški blok BiH je u svrhu prijave za učešće na Lokalnim izborima 2012. godine uplatio taksu u iznosu od 2.500,00 KM. Obzirom da su joj tokom godine, a nakon ovjere rezultata izbora, vraćena sredstva u iznosu od 2.200,00 KM, stranka po ovom osnovu je imala samo trošak u iznosu od 300,00 KM.

Navedeni trošak u iznosu od 300,00 KM stranka je imala obavezu iskazati u okviru režijsko-administrativnih troškova, a ne kao trošak kampanje. Time što je stranka iskazala troškove na pogrešnom obrascu, prekršene su odredbe člana 21. i člana 22. Pravilnika.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM^[1] po biraču u svakom izbornom krugu, prema broju birača koje je objavila Centralna izborna komisija BiH.

Prema podacima iz godišnjeg finansijskog izvještaja za 2012. godinu, Hrvatski pravaški blok BiH je iskazao troškove izborne kampanje u iznosu od 2.500,00 KM.

Obzirom da je utvrđeno da iskazani troškovi ne predstavljaju troškve kampanje, a u nedostatku drugih dokaza, osim finansijske dokumentacije političke stranke, nije moguće utvrditi da li je Hrvatski pravaški blok BiH postupio u skladu sa odredbama člana 15.10 Izbornog zakona Bosne i Hercegovine, odnosno da li je imao troškove izborne kampanje u okviru zakonom utvrđenog limita.

Hrvatski pravaški blok BiH je, prema podacima Centralne izborne komisije BiH, u svrhu izborne kampanje mogao da potroši 49.882,50 KM.

^[1] Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Hrvatskom pravaškom bloku BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi potpune evidencije o prihodima i rashodima, i*
- *da finansijske izvještaje podnosi u formi koju je odobrila Centralna izborna komisija BiH, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka.*

KOMENTAR

Hrvatski pravaški blok BiH nije se očitovao na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 06.03.2014. godine.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc. Hasida Gušić